

Serie A N.º 1175991

SESIÓN EXTRAORDINARIA URXENTE DO CONCELLO PLENO
31/XANEIRO/2001

SUMARIO

- 1.- PRONUNCIAMENTO DO PLENO SOBRE A URXENCIA DA CONVOCATORIA
- 2.- PROPOSTA DA ALCALDÍA SOBRE MODIFICACIÓN PARCIAL DO ACORDO PLENARIO DE FIXACIÓN DAS FESTAS LOCAIS.

Na Casa do Concello de Redondela, sendo as catorce horas e trinta e un minutos do **día trinta e un de xaneiro do ano dous mil un**, baixo a Presidencia do Sr. Alcalde, accidental, D. MANUEL JAVIER NÚÑEZ SALGADO, e a asistencia dos/as Sres/as Concelleiros/as: D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE E DONA ÁNXELES GONZÁLEZ GÓMEZ, actuando como Secretario o funcionario deste Concello, da escala técnica de Administración Xeral, D. BERNARDO SOTO LÓPEZ, que desempeña accidentalmente o cargo de Secretario do Concello, constitúese o Pleno do Concello, en sesión extraordinaria urxente, conforme á convocatoria e de acordo coa Orde do Día.

Asiste, asimesmo, o Sr. Interventor Municipal, D. Modesto Solla Sanz.

Excusaron a súa ausencia os/as Sres/as Concelleiros/as D. Xaime Rei Barreiro, Alcalde, D. Alejandro Bastos Fernández, do grupo municipal do PSdeG-PSOE, D^a. Aurora Alonso Monteagudo, D. Francisco Antonio Lago Melón e D. Pablo Rebanal Fernández, do grupo municipal do PP.

A Presidencia declara aberta a sesión en primeira convocatoria, procedéndose a trata-los puntos da Orde do Día.

1.- PRONUNCIAMENTO DO PLENO SOBRE A URXENCIA DA CONVOCATORIA.

Aberta a sesión e de conformidade co establecido nos artigos 46.2.b) da Lei 7/85 do 2 de abril, Reguladora das Bases de Réxime Local, modificada pola Lei 11/99 do 21 de abril, 210.2.b) da Lei 5/97 do 22 de xullo de Administración Local de Galicia e 79 do Regulamento de Organización, Funcionamento e Réxime Xurídico das Entidades Locais,



1725111
pola Presidencia indícase que se fai preciso o pronunciamento do Pleno sobre a urxencia da convocatoria.

Apreciada ésta o Concello Pleno, en votación ordinaria e por unanimidade dos/as Sres/as Concelleiros/as asistentes acordou ratificar a urxencia da convocatoria.

2.- PROPOSTA DA ALCALDÍA SOBRE MODIFICACIÓN PARCIAL DO ACORDO PLENARIO DE FIXACIÓN DAS FESTAS LOCAIS.

Pola Presidencia dase lectura da proposta formulada polo Concelleiro de Cultura, en data 30 de xaneiro do 2001, que dí:

"Adoptado acordo polo Concello Pleno en data 11 de outubro de 2000 referente á fixación das festas locais de Redondela para o ano 2001, e atendendo á repercusión social e económica das datas posibles, o Concelleiro que suscribe propón ó Concello Pleno a adopción do seguinte acordo:

Fixar como Festa Local do Concello de Redondela para o 2001 o Xoves da Coca día 14 de xuño, en substitución da establecida para o 28 de febreiro, Mércores de Cinza".

DELIBERACIÓN.- Aberto turno de debate intervén o Sr. Conde Romero que lle manifesta á Presidencia que vostedes dixeron que todo o mundo estaba de acordo en cambia-la data de celebración da festa da Coca, e non era así, polo que agora hai que rectificar) e que se discriminou o PP, e polo tanto a parte do pobo, por non telos invitado a xuntanza celebrada días pasados con un grupo de veciños para tratar sobre este tema, preguntando o por qué desta discriminación.

Resposta a Presidencia manifestando que o Sr. Conde Romero estaba convencido da necesidade de cambia-la data de celebración da festa, e que non se lle invitou a xuntanza por que os veciños convocantes da mesma soamente solicitaron a presenza do Delegado de Cultura, continua manifestando que é un tema con respecto o que, de terse padecido un erro, rectificase volvendo as festas a súa anterior data.

En nova intervención o Sr. Conde Romero di que eu comenteille ó Delegado de Cultura se a xenta estaba de acordo e dixome que si, nembargantes se hai que rectificar faise e non pasa nada. Con respecto a xuntanza indica que o colectivo veciñal solicitouna cos grupos políticos.

A Presidencia reitera que a xuntanza non se pediu nin co Alcalde, senón exclusivamente co Concelleiro de Cultura, se ben o Sr. Alcalde o ter coñecemento da mesma accedeu asistir.

De seguido interven o Sr. Pazos Docampo para manifestar que o BNG non participou neste tema no referente a ningunha negociación, se ben asistiu a última xuntanza cos veciños por que solicitou estar presente. Remata decindo que non cree que se vaia a recupera-la festa polo feito de que sexa declarado o día como festa local.

Serie A N.º 1175992

VOTACIÓN E ACORDO: O Concello Pleno en votación ordinaria e por maioría dos Sres/as Concelleiros/as asistentes -15 votos a favor e un en contra, emitido éste polo Concelleiro Sr. Alonso Bastos (PP)- acordou aprobar a proposta anteriormente transcrita.

E, non habendo máis asuntos que tratar, pola Presidencia dase por rematada a presente sesión, sendo as catorce horas e cuarenta e oito minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio oitenta e tres do Papel Timbrado da Comunidade Autónoma de Galicia, Serie A nº 1175991, ata o folio oitenta e catro, Serie A nº 1175992, de todo o que, como Secretario, DOU FE.

O ALCALDE, ACCTAL

O SECRETARIO, ACCTAL



Asdo: Manuel J. Núñez Salgado

Asdo: Bernardo Soto López

